



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO

Općinski načelnik

**PRAVILNIK
O OTPREMI POŠTE PUTEM KURIRA
U OPĆINI CENTAR SARAJEVO**

Sarajevo, SEPTEMBAR 2020. godine

Na osnovu člana 69. Statuta Općine Centar Sarajevo –prečišćeni tekst („Službene novine Kantona Sarajevo“, broj 23/04), u skladu sa Pravilnikom o kancelarijskom poslovanju u Federaciji BiH („Službene novine Federacije BiH“, broj 96/19), općinski načelnik donosi

P R A V I L N I K

O OTPREMI POŠTE PUTEM KURIRA U OPĆINI CENTAR SARAJEVO

Član 1.

(Predmet)

(1) Ovim Pravilnikom se, u cilju ušteda prilikom otpreme pošte službi za upravu i drugih službi i Pravobranilaštva Općine Centar Sarajevo, regulišu kriteriji, mjerila i postupak otpreme pošte putem kurira u Općini Centar Sarajevo, u skladu s odredbama člana 74. Pravilnika o kancelarijskom poslovanju u Federaciji Bosne i Hercegovine („Službene novine Federacije BiH“, broj 96/19) (u daljem tekstu: Pravilnik).

Član 2.

(1) Predmeti, isprave i drugi akti u upravnom postupku, ostala dokumentacija, akti i materijali nastali u radu Općine Centar Sarajevo, koji su u pisarnicu Općine pristigli za otpremu (u daljem tekstu: pošta), raspoređuju se i pakuju u skladu sa Pravilnikom, te razvrstavaju za slanje putem pošte i putem kurira, prema kriterijima utvrđenim ovim Pravilnikom.

Član 3.

(Kriteriji i mjerila)

(1) U knjigu za otpremu pošte putem kurira koja se vodi na obrascu 16, razvrstava se i upisuje redovna i hitna pošta na području Grada Sarajeva, pošta koja se dostavlja u krugu od 2 (dva) kilometra udaljenosti od zgrade Općine, te pošta za koju se od strane pošiljaoca cijeni da je, zbog značaja prijema upućenog pismena, dostavu potrebno uručiti kurirom.

Član 4.

(Postupak)

(1) Pisarnica razvrstava poštu po značaju za otpremu tako da prioritet otpreme kurirom imaju pismena upućena državnim institucijama, sudovima, javnim preduzećima, agencijama, javnim ustanovama i zavodima, vijećnicima Općinskog vijeća Općine Centar, političkim strankama, te ona pismena na kojima je naznačena potreba hitne dostave od strane općinskih službi i Pravobranilaštva pravnim i fizičkim licima.

Član 5.

(1) Kuriri dostavljaju poštu pješice u krugu od 2 (dva) kilometra od zgrade Općine, a za dalju dostavu koriste električne mopede Općine Centar Sarajevo.

(2) Električne mopede za potrebe kurirskog posla dužna je obezbijediti i održavati Služba za javne nabavke, zajedničke poslove i informatiku.

Član 6.

(Stupanje na snagu)

Ovaj Pravilnik stupa na snagu danom donošenja i objavljuje se na oglasnoj ploči.

Broj: 08-04- 51 /20

Datum: 09.09.2020.godine

